

TAKOR API
Fire-tufted Barbet

FAMILI: Megalaimidae
NAMA SAINTIFIK: *Psilopogon pyrolophus*



CIRI-CIRI

Individu dewasa bagi spesies ini mempunyai paruh yang berwarna hijau kekuningan pudar dengan terdapat jalur hitam menegak di bahagian tengah, bahagian telinga berwarna kelabu dan di bahagian atas dada terdapat jalur-jalur yang berwarna kuning kehitaman. Diperhatikan bahagian dahi berwarna hitam dengan jalur kemerahan sehingga ke bahagian paruh, belakang kepala dan belakang tengkuk. Terdapat garisan putih merentasi bahagian atas kepala dan juga garisan pendek berwarna hijau pudar di atas bahagian mata. Bagi burung juvenil pula, warna di bahagian kepala adalah coklat hijau buah zaitun pudar, garisan pendek di atas mata adalah agak pudar. Anggaran saiz bagi burung dewasa adalah 28 sm.

MAKANAN

Makanan utama spesies ini terdiri daripada buah buahan, bijian dan bunga.

HABITAT

Spesies ini boleh dijumpai di kawasan hutan dipterokap seperti hutan tanah tinggi dan hutan tanah pamah. Spesies ini boleh dijumpai dari ketinggian 1,070-2,010 m dari aras laut.

BUNYI

Burung ini mengeluarkan bunyi yang seakan-akan bunyi riang-riang, bermula dengan nada yang berselang dan kemudiannya bunyi bertambah laju dan bernada tinggi.

PEMBIAKAN

Musim pembiakan bagi spesies ini adalah dari bulan Januari hingga April pada sepanjang tahun dan sarangnya dibina di dalam lubang pada bahagian pokok. Lain-lain maklumat tidak direkodkan.

STATUS

Akta 76/72, dipelihara sepenuhnya.